



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 33. Guilielmus Rosa Sylvanectensis Episcopus severius castigatus.

---

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI  
A. C. 1598.

intra semestre in Regnum veniret, ut in Suecorum secta, patriisque legibus educari posset: Ita nempe hæretici summos Pontifices, siqui eorum subditos ob obedientia Principum ob gravissimas causas solvunt, diris devovent, ipsi vero duntaxat in fidei Catholicæ odium legitimos suos Reges jurato subditorum obsequio etiam per edicta private non dubitant. Ceterum Carolus summorum potitus nonnisi Gubernatoris, & Sudermannæ titulo uti voluit, Regem tamen nomen anno Christi millesimo sexcentesimo quarto palam sibi arrogabat.

§. XXXIII.

*Guilielmus Rosa Sylvanectensis Episcopus  
scopus severius castigatus.*

*Thu. l. 120.  
p. 826  
Daniel hist.  
de France  
p. 235.*

Extincta in Galliis sacra, ut vocabantur, unione regii Senatores, ut Henrico IV. magis complacerent, majori, quam par erat, severitate in residuos hujus fœderis Viros desævire cœperant, causam regni tranquillitate nondum satis stabilita omnem factionis radicem esse excindendam, præcipue vero curandum, ut temerarii, & seditiosi sermones, ac libri præpedirentur, eorumque Authores debito plesterentur supplicio. hoc obtentu Parisiensis Senatus in Guilielmum Rosam Sylvanectensem Episcopum

pum olim sacro foederi addictum extremam exercebat severitatem, duntaxat eo ex capite, quod a nonnullis insimularetur, perinde ac si gloriatus fuisset, quod ceteris prior huic factioni nomen dedisset, nunc vero, si eadem temporis vicissitudines recurrerent, se rursus eidem accessurum dixisset: insuper alii huic Prælato crimini dabant, quod librum, cui titulus: *Catholica expostulatio*, a quodam Caussidico nomine Ludovico Aureliano divulgatum deprædicarit, notisque in margine adscriptis ediderit. Adhæc accusationum capita Episcopus die quinta Septembris in majori Palatii aula coram Septemviris, ac Senatu capite nudus, ac stans declarare jubebatur, quod temere, & inconsiderate de hac factione locutus præfatum librum detestetur, præterea centum aureos in captivorum sustentationem erogandos multæ nomine penderet, totoque hoc tempore Sylvanectum non accederet, nec conciones ad populum haberet: cum autem Episcopus huic Senatus-Consulto sese subicere cunctaretur, illud majori adhuc severitate executioni datum est; cum enim Rosa pridie Episcopali veste coram Judicibus compareret, a triumviris monebatur, ut sacri Ordinis sui insignia ipse deponeret: cum autem id recusaret, in Senatum raptus

Sæcul. XVI.  
A.C. 1598.

Sæcul. XVI. A. C. 1598. tus revocationis suæ formulam in Senatusconsulto comprehensam ignominiose recitare cogebatur.

## §. XXXIV.

*Cleri Gallicani comitia Parisiis celebrata.**Daniel l. c.**p. 235.**Thu. l. c. 120**p. 827.*

**M**ense Augusto Clerus Gallicanus permittente Rege comitia Parisiis celebrabat, in quibus totius Ordinis nomine Franciscus Gueslæus Turonensis Archiepiscopus deploratum Ecclesie Gallicanæ statum, necnon corruptos & neglectam religionem mores, & disciplinam amare deplorans hæc a Rege postulabat. I. Sacri Concilii Tridentini decreta promulgentur, iis exceptis, quæ Ecclesie Gallicanæ libertatibus, & Curie immunitatibus, aut privilegiis adversari videntur. II. Rex Episcopatum, aliorumque beneficiorum nominationibus conscientiam suam haud amplius gravet, nec pensiones ex bonis ecclesiasticis conferat Laicis, concessa vero revocet. III. Bonis ecclesiasticis nova onera non imponat. IV. Loca sacra in profanos usus converti non permittat, & gratias pro beneficiis proxime vacaturis revocet. V. Pacta cum Rege a Clero inita servantur. Verum ad hæc Rex vagis verbis respondit quod disciplinam ecclesiasticam in Regno